



*Helie au desert est nourry par les corbeaux, il multiplie l'huile & la farine d'une vefue, & refuscite son enfant.*

**L**E Prophete Helie de Galaad fut du temps que le Roy Achab regnoit en Israël, auquel il predict la famine qui deuoit aduenir, & que selon la parole du Seigneur, il n'y auroit ny rosée ny pluye sur la terre, iusques à certain temps. Et suiuant l'aduertissement que Dieu donna au Prophete Helie, il se retira de cette contrée, pour aller vers Orient se cacher és enuirs du torrent de Carith, qui est contre le Iordain, auquel lieu les Corbeaux enuoyez de Dieu le nourrissoient, luy portans par chacun iour, tant au matin qu'au soir, du pain & de la chair. Il beuuoit seulement de l'eau du torrent, lequel desseicha, dautant qu'il n'auoit point pleu sur la terre. Parquoy Helie eut derechef la parole du Seigneur, suiuant laquelle il se departit de ce lieu pour aller en la region de Sarepta, pays des Sidoniens, où il demeura chez vne pauvre vefue, qui le nourrit selon que Dieu auoit ordonné, elle estoit aussi en vn extrême necessité. Mais le Seigneur par Helie pourueut à tout par sa prouidence eternelle, multipliant l'huile & la farine qui restoit pour toute chose à cette pauvre vefue, à laquelle Helie refuscita son fils qui estoit mort.